

А
СОЧИНЕНІЯ
СВЯТАГО
ДИМИТРИЯ.

МИТРОПОЛИТА РОСТОВСКАГО.

ЧАСТЬ ЧЕТВЕРТАЯ,

СОДЕРЖАЩАЯ ВЪ СЕБѢ ЛѢТОПИСЬ , СКАЗУЮЩІЮ ДѢЯНІЯ ОТЪ НАЧАЛА МІРА БЫТІЯ ДО РОЖДЕСТВА ХРИСТОВА, СОБРАННАЯ ИЗЪ БОЖЕСТВЕННАГО ПИСАНІЯ ИЗЪ РАЗЛИЧНЫХЪ ХРОНОГРАФОВЪ И ИСТОРИОГРАФОВЪ ГРЕЧЕСКИХЪ , СЛАВЕНСКИХЪ , РИМСКИХЪ , ПОЛЬСКИХЪ , ЕВРЕЙСКИХЪ И ПРОЧИХЪ , СЪ НАСТОЯЩАГО ПОДЛИННИКА , ПИСАННАГО СОБСТВЕННОЮ СВЯТИТЕЛЯ РУКОЮ. СІЯ ЛѢТОПИСЬ РАЗДѢЛЯЕТСЯ НА ТРИ ОТДѢЛЕНІЯ : *въ первомъ* ОТЪ НАЧАЛА МІРА ДО ТРЕТІЕЙ ТЫСЯЩИ ОСЬМАГО СТА ЛѢТЬ. *Во второмъ* ОТЪ СМЕРТИ НОЕВОЙ ДО АВРААМА , ИСААКА И ІАКОВА. *Въ третьемъ* КРАТКОЕ ОПИСАНІЕ СЛАВЕНСКАГО НАРОДА ДО ГОСУДАРЯ ЦАРЯ ТЕОДОРА АЛЕКСѢВИЧА.

Изданіе седмoe.

МОСКВА.

ВЪ Синодальной Типографіи.

1849.

А

ВЪ СЛАВУ БОГА,
ВЪ ТРОИЦѢ ЕДИНАГО,
ВЪ ЧЕСТЬ ПРЕЧИСТЫЯ ДѢВЫ БОГОРОДИЦЫ
И ВСѢХЪ СВЯТЫХЪ,

НАЧИНАЕМЪ ЛѢТОПИСЬ,

сказующую вкратцѣ дѣянiя отъ начала міро-
бытія до Рождества Христова, собранную изъ
Божественнаго Писанiя и изъ различныхъ
Хронографовъ и Исторiографовъ Греческихъ,
Славенскихъ, Римскихъ, Польскихъ, Еврей-
скихъ, и инѣхъ.

Въ началѣ созда Богъ небо и землю (а),
и бездну водную темну, или, якоже Еллины глаго-
лютъ, хаосъ, еже бысть стихій смѣшеніе нераз-
дѣльное, въ немже земля бѣше невидима и не
украшенна, водами бездными и тьмою покрывае-
мая, якоже глаголетъ Писаніе: *и тьма верху
бездны*. Созда же та всеильный Господь отъ
ничесогоже, и отъ небытія приведе въ бытіе: а
отъ тѣхъ потомъ и прочая созданiя горняя и
дольняя, шестью деньми дѣлая произведе. И бѣше
первая невидимая въ безднѣ тварь, яко сѣмя и на-
чатокъ имущихъ произвестися оттуду тварей. Яко-
же бо, егда коего садовнаго древа отъ сѣменъ едино
зерно рассуждаемъ, глаголемъ въ немъ быти коре-
нію и древу, и вѣтвіямъ, и листвіямъ, и цвѣту, и
плодомъ; не яко та уже суть, но яко имуть оттуду
быти, егда то зерно насажденно бывши прозябнетъ
и возрастетъ: сице и Богомъ созданная первая тварь,

(а) Бытія I.

(2)

или матерія (вещество), быше начатокъ прочіей твари. Небеси убо быше первая матерія вода, а земли огустѣлая толща, или гряда. Отлученной же потомъ вельніемъ Божиимъ бывшей водѣ отъ толщи, небу отъ земли, явился посредеѣ воздухъ, и просвѣтися огонь, таже прочая творенія своимъ чиномъ и временемъ поидоша.

Начиная же Создатель первую оную тварь невидимую и неукрашенную производитъ въ совершенство и во украшеніе, впервыхъ повелѣ изъ тмы свѣту возсіати (а). Якоже бо кій художникъ, въ полунощи воставъ дѣлати что хошетъ, возжигаетъ первѣ свѣщу, да видить, лже въ дому его: сице премудрый Создатель Богъ, аще и всевидецъ, зрѣи въ темной безднѣ сушая аки на яснѣ обрѣтающаяся, обаче первѣ яко свѣщу въ храминѣ, въ темной безднѣ свѣтъ дневный возсвѣти, рекъ: *да будетъ свѣтъ, и бысть свѣтъ.*

Здѣ нѣцыи (*) мнятъ созданнымъ быти Ангеломъ, яко съ свѣтомъ и Ангеловъ созда Богъ: но святыи *Василій великій, Григорій Богословъ и Амвросій*, такожде и святыи *Іоаннъ Дамаскинъ*, мнятъ тѣхъ въ началѣ прежде всего созданія созданнымъ быти. „Подобаше бо, глаголетъ

(а) 2 Кор. 4.

(*) Августинъ. Рупетръ бесѣда и гл. знам. Предлагается на подтвержденіе отъ Коринт. на сіе мѣсто 38. Дамаскинъ. книга 2, о вѣрѣ гл. 3. Святыи Григорій Богословъ на Рождество Христово. На подтвержденіе предлагается отъ Коринт. Бытія 1. Въ книзѣ обыкновеній, часть 19, предлагается на подтвержденіе отъ Коринт. такожде якоже и выше. Святыи Іерон. приб. на подтвержденіе отъ Коринт. на Ісаію гл. 14. ст. 13, листъ 183. Ісаіи 14. Беканъ съ прочими тракт. 3, о Ангелахъ гл. 4, въ вопросѣ 6, листъ 154. Тожде пишется и въ книзѣ, *Жезлъ правленія* глаголемой, листъ 44. Евр. 1.

Дамаскинъ , первѣе умному существу создаться , также чувственному , и тогда изъ обоихъ человѣку.“

Не безмѣстно же есть и о Ангелахъ , мало нѣчто рещи простѣйшихъ ради.

О созданиіи Ангеловъ святой Григорій Богословъ ска-
зуетъ , яко произыдоша Ангели отъ Бога якоже лучи
отъ солнца , прежде вся твари: и составишася свѣты
вторыи , слуги перваго свѣта Бога. А святой Григорій
Бесѣдовникъ глаголетъ : „произыдоша Ангели отъ Бога,
якоже искры отъ кремене. Создавъ же я Господь по
образу своему (якоже послѣжде и душу человѣческую) и
по подобію разумны , самовластны , безсмертны , въ началѣ
остави ихъ несовершенныхъ въ блаженствѣ , не утверж-
денныхъ въ таковой благодати , еже бы имъ не возможи
согрѣшати: но даде имъ нѣкое время , въ неже , яко
самовластныи , полную волю имущи , можаху у Господа
или заслужитися и преуспѣти , получивше совершенную
благодать , или прослужитися и пасти въ гнѣвъ Божій.
Тѣмъ временемъ единъ отъ Ангеловъ начальнѣйшій пре-
вознесся гордынею , восхотѣ равенъ быти Богу , рече во
умѣ своемъ: *на небо* (эмпирейское , идѣже престолъ Божій)
взыду , и выше звѣздъ небесныхъ поставлю престолъ мой ,
и буду равенъ Вышнему. Вину же тоя Ангельскія гордыни
нѣцыи отъ Богословцовъ сказуютъ быти сицевую: аки бы
Господь Богъ открылъ бѣ Ангеломъ тайну воплощенія Слова ,
имже имѣ соединитися Божество съ человѣчествомъ въ лицѣ
Христовомъ , смуже все естество Ангельское долженствуетъ
кланяться. Единъ убо отъ большихъ Ангелъ , глаголемый
свѣтоносный , разсмотря высоту и славу естества своего
Ангельскаго , разсуждая же худость имѣвашаго быти брѣн-
наго естества человѣческаго , разгордѣся и умысли не
поклонитися хотящему воплотитися Богу Слову , и рече
въ себѣ: *на небо взыду , и буду подобенъ Вышнему.*